

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**RJEŠENJE**

**Prijava koncentracije privrednih subjekta  
"Mercator BH" d.o.o. Sarajevo i "Drvopromet" d.o.o. Sarajevo**

**Sarajevo,  
decembar 2011. godine**



Broj: 05-26-1-024-18-II/11  
Sarajevo, 08.12.2011. godine

Na osnovu člana 42. stav (1) tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta "MERCATOR BH" Trgovina na veliko i malo d.o.o. Sarajevo, Ložionička br.16, 71000 Sarajevo, kojeg zastupa advokat Marjana Kulenović, Vase Pelagića 48, 78000 Banja Luka, zaprimljenoj dana 24.10.2011. godine pod brojem: 05-26-1-024-II/11, Konkurencijsko vijeće, na 23. (dvadesettrećoj) sjednici održanoj dana 08.12.2011. godine, donijelo je

### **R J E Š E N J E**

1. Ocjenjuje se dopuštenom koncentracija na tržištu maloprodaje prehrambenim, neprehrambenim i proizvodima široke potrošnje na teritoriji Federacije Bosne i Hercegovine, koja će nastati sklapanjem dugoročnih ugovora o zakupu (podzakupu) maloprodajnih poslovnih objekta privrednog subjekta "DRVOPROMET" Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj b.b., 71000 Sarajevo, s privrednim subjektom "MERCATOR BH" Trgovina na veliko i malo d.o.o. Sarajevo, Ložionička 16, 71000 Sarajevo.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće je, dana 24.10.2011. godine pod brojem: 05-26-1-024-II/11, zaprimilo Prijavu koncentracije (u daljem tekstu: Prijava) privrednog subjekta "MERCATOR BH" Trgovina na veliko i malo d.o.o. Sarajevo, Ložionička br.16, 71000 Sarajevo (u daljem tekstu: Podnosilac prijave ili MERCATOR BH) koja će nastati sklapanjem dugoročnih ugovora o zakupu (podzakupu) maloprodajnih poslovnih objekta u smislu člana 12. stav (1) tačka b) pod 3) Zakona o konkurenciji (u daljem tekstu: Zakon), privrednog subjekta "DRVOPROMET" Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj bb, 71000 Sarajevo (u daljem tekstu: DRVOPROMET).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. stav (1) Zakona, i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekta («Službeni glasnik BiH», broj 34/10), te je zatražilo dopunu iste u skladu s članom 31. Zakona, aktom broj: 05-26-1-024-4-II/11 od dana 11.11.2011. godine.

Podnosilac prijave je dostavio traženu dokumentaciju dana 16.11.2011. godine podneskom broj: 05-26-1-024-5-II/11.

Nakon kompletiranja Prijave Konkurencijsko vijeće je, u skladu s članom 30. stav (3) Zakona, izdalo Potvrdu o prijemu kompletne i uredne Prijave broj: 05-26-1-024-12-II/11 dana 29.11.2011. godine.

Podnosilac prijave, u skladu s članom 30. stav (2) Zakona, je naveo da zahtjev za ocjenu koncentracije nije podnio niti ima namjeru podnijeti nadležnim tijelima za zaštitu tržišne konkurencije izvan teritorije Bosne i Hercegovine.

Konkurencijsko vijeće je, u skladu s članom 16. stav (4) Zakona, izdalo Obavještenje o dostavljenoj Prijavi broj: 05-26-1-024-6-II/11 od 23.11.2011. godine, koje je u u dnevnoj štampi objavljeno dana 24.11.2011. godine, i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetno Obavještenje nisu dostavljeni komentari zainteresovanih strana.

Predmetna Prijava je podnesena u zakonskom roku, u skladu s članom 16. stav (1) Zakona.

Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

## **1. Učesnici predmetne koncentracije**

Učesnici koncentracije su privredni subjekt "MERCATOR BH" Trgovina na veliko i malo d.o.o. Sarajevo, Ložionička 16, 71000 Sarajevo i privredni subjekt "DRVOPROMET" Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj b.b., 71000 Sarajevo.

### **1.1. Privredni subjekt MERCATOR BH**

Privredni subjekt "MERCATOR BH" Trgovina na veliko i malo d.o.o. Sarajevo, Ložionička 16, 71000 Sarajevo, je upisan u registar Kantonalnog suda u Sarajevu pod brojem: 65-01-0542-10 (JIB: 4200841110009), s (..)\*\*%<sup>1</sup> vlasničkih udjela privrednog subjekta Poslovni sistem "MERCATOR" d.d. Ljubljana, Dunajska cesta 107, 1000 Ljubljana, Republika Slovenija (u daljem tekstu: MERCATOR d.d. Ljubljana), i upisanim osnovnim kapitalom od (..)\*\* KM.

Pretežne registrovane djelatnosti privrednog subjekta MERCATOR BH su vanjska i unutrašnja trgovina, trgovina na veliko i malo prehrambenim, neprehrambenim i proizvodima roba široke potrošnje.

Privredni subjekt MERCATOR BH je član Mercator grupe, maloprodajnog lanca prodaje proizvoda široke potrošnje u regionu, s poslovnim aktivnostima u Republici Sloveniji, Republici Hrvatskoj, Republici Srbiji, Republici Crnoj Gori, Republici Makedoniji, Republici Bugarskoj i Republici Albaniji.

Privredni subjekt MERCATOR d.d. Ljubljana je upisan u registar Okružnog suda Ljubljana 1.1.1990. godine (matični broj: 5300231000), s osnovnim kapitalom (..)\*\*(EUR (..)\*\*). Vlasnička struktura privrednog subjekta MERCATOR d.d. Ljubljana s danom 30.6.2011. godine:

---

<sup>1</sup> (..)\*\*- podaci predstavljaju poslovnu tajnu

- privredni subjekt Pivovarna Union d.d. (Pivovarniška 2, Ljubljana) s (..)\*\*% vlasničkih udjela;
- privredni subjekt NLB d.d. Ljubljana (Trg Republike 2, Ljubljana) s (..)\*\*% vlasničkih udjela;
- privredni subjekt Pivovarna Laško d.d. (Trubarjeva ulica 28, Laško) s (..)\*\*% vlasničkih udjela;
- privredni subjekt UniCredit Banka d.d. Slovenija sa (..)\*\*% vlasničkih udjela;
- privredni subjekt Nova KBM d.d. Slovenija sa (..)\*\*% vlasničkih udjela;
- ostali s (..)\*\* vlasničkih udjela u osnovnom kapitalu.

Glavna registrirana djelatnost privrednog subjekta MERCATOR d.d. Ljubljana je trgovina na malo s mješovitom robom, prehrambenim proizvodima, pićem i proizvodima široke potrošnje za domaćinstvo.

### **1.1.1. Povezana društva privrednog subjekta MERCATOR BH u Bosni i Hercegovini**

Povezani privredni subjekti Podnosioca prijave u Bosni i Hercegovini su:

- privredni subjekt "M-BL" d.o.o. Banja Luka, Društvo za trgovinu na veliko i malo, Aleja Svetog Save 69, 78000 Banja Luka;
- privredni subjekt "Intersport BH" d.o.o. Sarajevo, Trgovina na veliko i malo, Ložionička 16, 71000 Sarajevo;
- privredni subjekt "Modiana" d.o.o. Sarajevo, Trgovina na veliko i malo, Ložionička 16, 71000 Sarajevo;

#### **1.1.1.1. Privredni subjekt M-BL d.o.o. Banja Luka**

Privredni subjekt "M-BL" d.o.o. Banja Luka, Društvo za trgovinu na veliko i malo, Aleja Svetog Save 69, 78000 Banja Luka (u daljem tekstu: M-BL d.o.o. Banja Luka) je upisan u registar Okružnog privrednog suda Banja Luka pod brojem: 1-17032-00 (JIB: 4402893720001), s (..)\*\*% vlasničkih udjela u osnovnom kapitalu privrednog subjekta MERCATOR d.d. Ljubljana, i (..)\*\*% vlasničkih udjela u osnovnom kapitalu Privrednog društva za poslovne usluge "MERCATOR-S" d.o.o. Novi Sad, Temerinski put 50, 21000 Novi Sad, Republika Srbija, s upisanim osnovnim kapitalom (..)\*\* KM.

Pretežne registrovane djelatnosti privrednog subjekta M-BL d.o.o. Banja Luka su trgovina na veliko i malo prehrambenim i drugim proizvodima široke potrošnje.

Privredni subjekt M-BL d.o.o. Banja Luka posluje samo na teritoriji Republike Srpske putem pet Mercator centara.

#### **1.1.1.2. Privredni subjekt Intersport BH d.o.o. Sarajevo**

Privredni subjekt "Intersport BH" d.o.o. Sarajevo, Trgovina na veliko i malo, Ložionička 16, 71000 Sarajevo (u daljem tekstu: Intersport BH d.o.o. Sarajevo), je upisan u registar Općinskog suda u Sarajevu pod brojem: 65-01-0188-10 (JIB: 4201552720008), s (..)\*\*% vlasničkog udjela u osnovnom kapitalu privrednog subjekta "INTERSPORT ISI" d.o.o., Dunajska cesta 110, 1000

Ljubljana, Republika Slovenija (s (..)\*\*\*% vlasničkih udjela privrednog subjekta MERCATOR d.d. Ljubljana), s upisanim osnovnim kapitalom (..)\*\*\* KM.

Pretežne registrovane djelatnosti privrednog subjekta Intersport BH d.o.o. Sarajevo su trgovina na veliko i malo raznim proizvodima.

### 1.1.1.3. Privredni subjekt Modiana d.o.o. Sarajevo

Privredni subjekt "Modiana" d.o.o. Sarajevo, Trgovina na veliko i malo, Ložionička 16, 71000 Sarajevo, je upisan u registar Općinskog suda u Sarajevu pod brojem: 65-01-0241-10 (JIB: 4201561710007), s (..)\*\*\*% vlasničkih udjela u osnovnom kapitalu privrednog subjekta "Modiana", prodaja tekstila, d.o.o. Ljubljana, Dunajska cesta 110, 1000 Ljubljana, Republika Slovenija (s (..)\*\*\*% vlasničkih udjela privrednog subjekta MERCATOR d.d. Ljubljana), s upisanim osnovnim kapitalom (..)\*\*\* KM.

Pretežna registrovana djelatnost privrednog subjekta Modiana d.o.o. Sarajevo je trgovina na veliko i malo raznim proizvodima.

### 1.2. Privredni subjekt DRVOPROMET d.o.o. Sarajevo

Privredni subjekat "DRVOPROMET" Društvo s ograničenom odgovornošću za promet, uvoz, izvoz, prijevoz u drumskom saobraćaju Sarajevo, Blažuj bb, 71000 Sarajevo, je upisan u registru Općinskog suda Sarajevo pod brojem: 65-01-0033-11 (JIB: 4200480690005) s upisanim osnovnim kapitalom (..)\*\*\* KM.

Vlasnička struktura privrednog subjekta DRVOPROMET na dan 24.10.2011. godine:

Tabela 1.

R.b.	Naziv vlasnika	Adresa	Vlasnički udio (%)
1.	DRVOPROMET d.o.o. Sarajevo	Blažuj bb, Ilidža	(..)***
2.	Mešević Jakup LK.(..)***	(..)***	(..)***
3.	Mešević Jusuf LK.(..)***	(..)***	(..)***
4.	Mešević Muamer LK.(..)***	(..)***	(..)***

Izbor: Podaci iz Prijave

Pretežne registrovane djelatnosti privrednog subjekta DRVOPROMET su trgovina na veliko i malo prehrambenim, neprehrambenim i proizvodima široke potrošnje.

Privredni subjekt DRVOPROMET trenutno ima 71 maloprodajni objekt koji se nalaze isključivo na području Federacije Bosne i Hercegovine.

#### 1.2.1. Povezana društva privrednog subjekta DRVOPROMET d.o.o. Sarajevo

Privredni subjekt DRVOPROMET u Bosni i Hercegovini ima povezane privredne subjekte:

- "Dolche" d.o.o. Sarajevo, za proizvodnju, unutrašnju i vanjsku trgovinu i usluge d.o.o. Sarajevo, Halilovići 4, 71000 Sarajevo;
- Društvo s ograničenom odgovornošću "DP Ilma" d.o.o. Bihać, Grabeška bb, Bihać;
- Inter Hak d.o.o. Sarajevo, Maršala Tita 4, 71000 Sarajevo;

### 1.2.1.1. Privredni subjekt Dolche d.o.o. Sarajevo

Privredni subjekt "Dolche" Društvo za proizvodnju, unutrašnju i vanjsku trgovinu i usluge d.o.o. Sarajevo, Halilovići 4, 71000 Sarajevo (u daljem tekstu: Dolche d.o.o. Sarajevo), je upisan u registar Općinskog suda u Sarajevu pod brojem: 1-24924, s (..)\*\*% vlasničkih udjela privrednog subjekta DRVOPROMET, s upisanim osnovnim kapitalom (..)\*\* KM

Pretežne registrovane djelatnosti privrednog subjekta Dolche d.o.o. Sarajevo su proizvodnja, unutrašnja i vanjska trgovina prehrambenim i neprehrambenim proizvodima.

### 1.2.1.2. Privredni subjekt DP Ilma d.o.o. Bihać

Privredni subjekt Društvo s ograničenom odgovornošću "DP Ilma" d.o.o. Bihać, Grabeška bb, Bihać, je upisan u registar Općinskog suda Bihać (u daljem tekstu: DP Ilma Bihać), pod brojem: 17-01-0084-10 (JIB: 4263580780003) (rješenje broj: 017-0-Reg-10-000222 od dana 29.4.2010. godine), s (..)\*\*% vlasničkih udjela privrednog subjekta DRVOPROMET i (..)\*\*% vlasničkih udjela privrednog subjekta Ilma d.o.o. Bihać, Darivalaca krvi 39, Bihać, s upisanim osnovnim kapitalom (..)\*\* KM.

Pretežne registrovane djelatnosti privrednog subjekta DP Ilma d.o.o. Sarajevo su trgovina na veliko i malo raznim proizvodima.

### 1.2.1.3. Privredni subjekt Inter Hak d.o.o. Sarajevo

Privredni subjekt "Inter Hak" društvo s ograničenom odgovornošću i vanjsku trgovinu Sarajevo, Maršala Tita 4, 71000 Sarajevo (u daljem tekstu: Inter Hak d.o.o. Sarajevo) je upisan u registar Općinskog suda u Sarajevu pod brojem: 1-13048, s (..)\*\*% vlasničkih udjela privrednog subjekta DRVOPROMET, s upisanim osnovnim kapitalom (..)\*\* KM.

Pretežne registrovane djelatnosti privrednog subjekta Inter Hak d.o.o. Sarajevo su proizvodnja i trgovina na veliko i malo proizvodima široke potrošnje.

## Obaveza prijave koncentracije

U skladu sa članom 14. stav (1) Zakona, obaveza prijave koncentracije postoji kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni ostvareni godišnji prihodi privrednih subjekta učesnika predmetne koncentracije, na dan 31.12.2010. godine:

Tabela 2.

(KM)	MERCATOR BH	DRVOPROMET*	DRVOPROMET
<b>Bosna i Hercegovina</b>	(..)**	(..)**	(..)**
<b>Svijet</b>	(..)**	-	-

Izvor: Podaci iz Prijave; \*djelovi koji su predmet koncentracije

Prema podacima (Tabela 2.) ukupan prihod privrednog subjekta MERCATOR BH na tržištu Bosne i Hercegovine u 2010. godini iznosi (..)\*\* KM (uključuje prihode privrednog subjekta MERCATOR BH od (..)\*\* KM, privrednog subjekta Intersport BH d.o.o. Sarajevo od (..)\*\* KM, i privrednog subjekta Modiana d.o.o. Sarajevo od (..)\*\* KM ostvarene u Federaciji Bosne i Hercegovine, kao i ukupan prihod od (..)\*\* KM privrednog subjekta M-BL d.o.o. Banja Luka ostvaren u Republici Srpskoj.

U slučaju kada se koncentracija iz člana 12. stav (1) Zakona odnosi na spajanje ili pripajanje dijela ili dijelova jednog ili više privrednih subjekta, bez obzira da li ti dijelovi imaju status pravnog lica, pri izračunavanju prihoda iz stava (1) člana 14. Zakona, obračunavat će se samo prihod onih dijelova privrednog subjekta koji su predmet kontrole koncentracije.

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekta.

Na osnovu navedenih podataka o ukupnom godišnjem prihodu (Tabela 2), u smislu člana 14. stav (2) Zakona, utvrđeno je da su učesnici koncentracije obavezni podnijeti Prijavu.

## **2. Pravni okvir ocjene koncentracije**

Konkurencijsko vijeće u provedbi postupka ocjene dopuštenosti predmetne koncentracije je primijenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekta.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekta.

## **3. Pravni osnov i oblik koncentracije**

Kao pravni osnov predmetne koncentracije Podnosilac prijave je dostavio Okvirni ugovor o zakupu poslovnih prostora i preuzimanju drugih prava i obaveza, zaključen dana 20.10.2011. godine u Sarajevu između privrednog subjekta MERCATOR BH (zastupan od Nevena Hadžisulejmanovića, direktora) i privrednog subjekta DRVOPROMET (zastupan od Fehima Baždarevića, direktora).

Ovim Okvirnim ugovorom su uređeni međusobni odnosi o dugoročnom zakupu 63 maloprodajna objekta, kancelarijski prostor i magacinski prostor (Blažuj) na području Federacije Bosne i Hercegovine na period od (..)\*\*godina, kupoprodaji zaliha u objektima, preuzimanju radnika zakupodavca i komercijalna saradnja. Prema podacima Okvirnog ugovora ukupna površina zakupa poslovnih prostora iznosi bruto (..)\*\* m<sup>2</sup> (63 maloprodajna objekta ukupne površine (..)\*\* m<sup>2</sup>, i 1 kancelarijski prostor ukupno površine (..)\*\* m<sup>2</sup> i 1 magacinski prostor ukupne površine (..)\*\* m<sup>2</sup>).

Predmet koncentracije su slijedeći maloprodajni objekti privrednog subjekta DRVOPROMET:

Tabela 3.

R.b.	Poslovna jedinica	Grad /ulica
1.	MALOPRODAJA PJ 1 KOŠEVSKO BRDO	Sarajevo, Centar, Braće Begić 3
2.	MALOPRODAJA PJ 2 VISNJK	Sarajevo, Centar, Višnjik 41
3.	MALOPRODAJA PJ 3 DOBRINJA	Sarajevo, Novi Grad, Dobrinja, Omladinskih radnih brigada
4.	MALOPRODAJA PJ 4 ALIPASINO POLJE B FAZA	Sarajevo, Novi Grad, Trg ZAVNOBIHA 18, Alipašino polje
5.	MALOPRODAJA PJ 6 V.POLJE	Sarajevo, Novi Grad, Teheranski trg 1, Saraj Polje
6.	MALOPRODAJA PJ 7 A.POLJE C FAZA	Sarajevo, Novi Grad, Trg nezavisnosti, Alipašino polje
7.	MALOPRODAJA PJ 8 VRACA	Sarajevo, Novo Sarajevo, Pavla Lukača 4
8.	MALOPRODAJA PJ 9 STUP	Sarajevo, Ilidža, Džemala Bijedića 226
9.	MALOPRODAJA PJ 10 MARKET BREKA	Sarajevo, Centar, Breka, Jovana Bijelca 8
10.	MALOPRODAJA PJ 11 JEZERO	Sarajevo, Centar, Patriotske lige 50, Jezero
11.	MALOPRODAJA PJ 12 VOGOSCA	Sarajevo, Vogošća, Igmanska 81
12.	MALOPRODAJA PJ 13 AERODROMSKO	Sarajevo, Novi Grad, Vladimira Nazora 1, Aerodromsko naselje
13.	MALOPRODAJA PJ 14 VISOKO	Visoko, Sarajevska bb
14.	MALOPRODAJA PJ 15 MARIJIN DVOR	Sarajevo, Centar, Vladimira Perića 18, Marijin Dvor
15.	MALOPRODAJA PJ 16 HADŽICI	Sarajevo, Hadžići, Garaovci bb
16.	MALOPRODAJA PJ 17 OTES	Sarajevo, Ilidža, Fadila Hadžića 11, OTES
17.	MALOPRODAJA PJ 18 HRASNICA	Sarajevo, Ilidža, D.Paše Bajazad 12
18.	MALOPRODAJA PJ 19 ILIJAŠ	Ilijaš, Bosanski put 143
19.	MALOPRODAJA PJ 20 SHOPING GRBAVICA	Sarajevo, Novo Sarajevo, Hasana Brkića 30, Grbavica
20.	MALOPRODAJA PJ 21 ILIJAŠ	Ilijaš 126/te Lahke brigade
21.	MALOPRODAJA PJ 22 ZENICA	Zenica, Aske Borića 1
22.	MALOPRODAJA PJ 23 ZENICA	Zenica, Crkvice do broja 66
23.	MALOPRODAJA PJ 24 ZENICA	Zenica, Sejmenska 17
24.	MALOPRODAJA PJ 25 ZENICA	Zenica, Prve Zeničke brigade
25.	MALOPRODAJA PJ 26 ZENICA	Zenica, Čire Truhelke10
26.	MALOPRODAJA PJ 28 FOJNICA	Fojnica, Šetalište b.b., T.C. Aqua Reumal
27.	MALOPRODAJA PJ 29 KAKANJ	Kakanj, Mehmeda Skopljaka bb
28.	MALOPRODAJA PJ 30 VISOKO	Visoko, Donje Rosulje b.b.
29.	MALOPRODAJA PJ 31 KATEDRALA	Sarajevo, Stari grad, Mulamustafe Bašeskije26
30.	MALOPRODAJA PJ 32 ZENICA	Zenica, Sarajevska bb
31.	MALOPRODAJA PJ 33 BJELAVE	Sarajevo, Centar, Šekerova 11
32.	MALOPRODAJA PJ 34 CEKALUSA	Sarajevo, Centar, Cekalusa 36
33.	MALOPRODAJA PJ 35 BRIJESCE	Sarajevo, Novi Grad, Safeta Zajke 238
34.	MALOPRODAJA PJ 36 ILIDZA	Sarajevo, Ilidža, Rusten Pašina 23
35.	MALOPRODAJA PJ 37 HRASNO	Sarajevo, Novo Sarajevo, Topal Osman paše 16, Hrasno
36.	MALOPRODAJA PJ 38 BUTILA	Sarajevo, Butile, Butilska bb
37.	MALOPRODAJA PJ 39 BULJAKOV POTOK	Sarajevo, Novi Grad, Smaje Sikala 26
38.	MALOPRODAJA PJ 40 MALTA	Sarajevo, Novo Sarajevo, Envera Šehovića 54
39.	MALOPRODAJA PJ 41 SIP	Sarajevo, Centar, Dejniza Bikića 2A
40.	MALOPRODAJA PJ 42 VRATNIK	Sarajevo, Stari Grad, Vratnik Mejdan
41.	MALOPRODAJA PJ 43 KOLONIJA	Sarajevo, Ilidža, Huseina Đoze 22



42.	MALOPRODAJA PJ 44 MAGLAJ	Maglaj, Treća ulica 35
43.	MALOPRODAJA PJ 45 VISOKO	Visoko, Varoška 1
44.	MALOPRODAJA PJ 46 ILIJAŠ	Ilijaš, Bosanski put 197
45.	MALOPRODAJA PJ 47 VELEŠIĆI	Sarajevo, Velešići, Muhameda Ef. Pandže do broja 95
46.	MALOPRODAJA PJ 48 SKENDERIJA	Sarajevo, Centar, Terazije bb
47.	MALOPRODAJA PJ 49 SOLARIS	Sarajevo, Vogošća, Gornja Jošanica bb
48.	MALOPRODAJA PJ 51 KOLONIJA	Sarajevo, Ilidža, Umihane Cuvidine 47
49.	MALOPRODAJA PJ 52 ČENGIĆ VILA	Sarajevo, Novo Sarajevo, Džemala Bijedića 8
50.	MALOPRODAJA PJ 53 MOSTAR	Mostar Centar, Braće Fejića 58
51.	MALOPRODAJA PJ 54 BJELASNICA	Trnovo, Bjelašnica ski centar, Babin do bb
52.	MALOPRODAJA PJ 55 VOJNIČKO POLJE	Sarajevo, Novi Grad, Adija Mulabegovića 16
53.	MALOPRODAJA PJ 56 SHOPING EKLAN	Zenica, Trg Alije Izetbegovića 6
54.	MALOPRODAJA PJ 57 OSJEK	Sarajevo, Ilidža, Osik 105
55.	MALOPRODAJA PJ 58 STUP	Sarajevo, Ilidža, Nikole Šopa 20
56.	MALOPRODAJA PJ 60 GORENJE SKENDERIJA	Sarajevo, Centar, Skenderija 20
57.	MALOPRODAJA PJ 61 KLJUC	Ključ Branilaca Bosne bb
58.	MALOPRODAJA PJ 62 SANSKI MOST	Sanski most, Bulevar 7 korpusa bb
59.	MALOPRODAJA PJ 78 ŽEPČE	Žepče, Sarajevska b.b.
60.	MALOPRODAJA PJ 79 DOBRINJA	Sarajevo, Novi Grad, Dobrinja, Stupska b.b.
61.	MALOPRODAJA PJ 80 BUČA POTOK	Sarajevo, Buča potok, Adema Buče 6
62.	MALOPRODAJA PJ 81 MERKUR STUP	Sarajevo, Novi Grad Stup, Stupska b.b.
63.	MALOPRODAJA PJ 82 ILIJAŠ	Sarajevo, Ilijaš, Moševićka 17
64.	KANCELARIJSKI PROSTOR	Blažuj b.b.
65.	MAGACINSKI PROSTOR	Blažuj b.b.

Izvor: Podaci iz Prijave

Budući da se predmetna koncentracija definiše kao 'asset deal' ili kao preuzimanje tačno određene imovine (poslovanja) privrednog subjekta DRVOPROMET, u tom smislu ne dolazi do promjene vlasničke strukture privrednog subjekta DRVOPROMET.

Nakon provođenja koncentracije privredni subjekt DRVOPROMET nastavit će da se bavi trgovinskom djelatnošću u prodajnim objektima (marketima) koji nisu predmet ove koncentracije.

Pravni oblik predmetne koncentracije, u smislu člana 12. stav (1) tačka b) pod 3) Zakona, je sticanje dominantnog uticaja privrednog subjekta (MERCATOR BH) nad dijelovima drugog privrednog subjekta (DRVOPROMET) zaključivanjem ugovora o zakupu (podzakupu) u skladu s odredbama Zakona.

#### 4. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište proizvoda i/ili usluga u konkretnom slučaju je tržište maloprodaje prehrambenih, neprehrambenih i proizvoda široke potrošnje.

Budući da učesnik koncentracije privredni subjekt DRVOPROMET djeluje isključivo na teritoriji Federacije Bosne i Hercegovine, te se relevantnim tržištem u geografskom smislu smatra teritorija Federacije Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište maloprodaje prehrambenih i neprehrambenih proizvoda i proizvoda široke potrošnje na teritoriji Federacije Bosne i Hercegovine.

Analizirajući relevantno tržište sa aspekta potrošača i u skladu sa praksom Evropske komisije, Konkurencijsko vijeće je utvrdilo da je potrebno analizirati i efekte predmetne koncentracije i na nižem nivou tj. na području kantona/gradova Federacije BiH u kojima se maloprodajna mjesta učesnika koncentracije preklapaju.

## 5. Analiza relevantnog tržišta koncentracije

Konkurencijsko vijeće je u toku postupka ocjene predmetne koncentracije tražilo dodatne podatke od Podnosioca prijave i Agencije za finansijske, informatičke i posredničke usluge d.d. Sarajevo, Ložionička br. 3, Sarajevo vezano za ostvarene prihode na relevantnom tržištu koji su dostavljeni dana 2.12.2011. godine ( podnesak broj 05-26-1-024-18-II/11) i dana 1.12.2011. godine (podnesak broj 05-26-1-024-15-II/11).

Prema podacima Agencije za finansijske, informatičke i posredničke usluge d.d. Sarajevo, Ložionička br. 3, Sarajevo (AFIP) ukupan prihod pravnih lica u Federaciji Bosne i Hercegovine u djelatnosti trgovine na malo prehrambenim, neprehrambenim i proizvodima široke potrošnje u 2010. godini iznosi 3.422.075.235,00 KM.

Procjena tržišnih udjela na nivou Federacije Bosne i Hercegovine učesnika koncentracije na relevantnom tržištu na dan 31.12.2010. godine:

Tabela 4.

R.b.	Privredni subjekt	Prihod od maloprodaje (KM)	Tržišni udio (%)
1.	Mercator BH	(..)**	0-10
2.	Drvopromet	*(..)**	0-10
3.	Ukupno učesnici koncentracije (1+2)	(..)**	0-10
4.	<b>Ukupno FBIH</b>	<b>3.422.075.235,00</b>	100,00

Izvor: AFIP, Podaci iz prijave; \*dijelovi koji su predmet koncentracije

Prema podacima iz Prijave privredni subjekt MERKATOR BH u Federaciji Bosne i Hercegovine djeluje u pet regija, s dvadesetjednom (21) poslovnom jedinicom, i to na području slijedećih gradova:

- regija Sarajevo s dva (2) hipermarketa i šest (6) supermarketeta i jedan (1) market;
- regija Tuzla s jednim (1) hipermarketom i četiri (4) supermarketeta (Tuzla, Lukavac, Živinice);
- regija Hercegovina s jednim (1) hipermarketom (Mostar), dva (2) supermarketeta (Mostar, Čapljina) i jednim (1) marketom;
- regija Krajina s jednim (1) supermarketom (Cazin);
- regija Srednja Bosna i Zeničko-Dobojski kanton s jednim (1) supermarketom (Vitez) i dva (2) marketa.

Prema podacima iz Prijave šezdesetri (63) poslovne jedinice privrednog subjekta DRVOPROMET u Federaciji Bosne i Hercegovine su predmet koncentracije, i to na području slijedećih gradova:

- Sarajevo (Ilidža, Vogošća, Hadžići) s jednim (1) hipermarketom i jednim (1) supermarketom i četrdeset (40) marketa;
- Sanski Most s jednim (1) supermarketom;
- Zenica sa sedam (7) marketa;
- Trnovo s jednim (1) marketom;
- Ilijaš s četiri (4) marketa;
- Visoko s tri (3) marketa;
- Fojnica s jednim (1) marketom;
- Kakanj s jednim (1) marketom;
- Mostar s jednim (1) marketom;
- Ključ s jednim (1) marketom;
- Maglaj s jednim (1) marketom;
- Žepče s jednim (1) marketom.

Analiza podataka o broju, vrsti i geografskoj lokaciji maloprodajnih objekata učesnika koncentracije ukazuje da privredni subjekt "MERCATOR BH" ovom koncentracijom prvenstveno širi svoju prodajnu mrežu povećavanjem maloprodajnih objekata tipa „market“, jer u njegovoj dosadašnjoj strukturi maloprodajnih objekata dominiraju prodajni objekti tipa „hipermarket“ i „supermarket“. Iz datih podataka je također vidljivo da nema značajnih preklapanja po gradovima i vrstama maloprodajnih objekata, pa samim tim ni do stvaranja novog ili jačanja postojećeg dominantnog položaja na tržištu.

## **6. Ocjena koncentracije**

Konkurencijsko vijeće analizom relevantnih podataka, u smislu člana 17. Zakona, je ocijenilo da će se provođenjem predmetne koncentracije povećati tržišni udio na relevantnom tržištu maloprodaje prehrambenih i neprehrambenih proizvoda široke potrošnje, ali neće doći do stvaranja i jačanja dominantnog položaja.

Konkurencijsko vijeće prilikom donošenja konačne odluke je uzelo u obzir i planove Podnosioca prijave o pogodnostima koje će nastati za potrošače kroz povećanje ponude na tržištu proizvoda široke potrošnje, bolji kvalitet, veći izbor proizvoda, interaktivniji pristup i širu ponudu proizvoda i usluga.

Također, Konkurencijsko vijeće je uzelo u obzir i ulaganja do kojih bi trebalo doći sprovođenjem predmetne koncentracije koja podrazumijevaju ulaganja u modernizaciju i razvijanje maloprodajnih objekata, uvođenje međunarodnih i kompanijskih standarda poslovanja, obuka i stimulacija zaposlenih kao i obezbjeđivanje savremenih i prijatnih uslova za rad zaposlenih.

Provođenje predmetne transakcije donijet će neposredne pogodnosti za potrošače:

- niže cijene proizvoda radi nižih troškova nabavke, skladištenja, distribucije i prodaje, kao i ostvarenje ekonomije obima;
- širu ponudu proizvoda ostvarenu kroz uvođenje proizvoda robne marke Mercator;
- stabilnost u ponudi, odnosno neometano snadbijevanje potrošača željenim proizvodima;
- poboljšanje kvaliteta usluga ostvareno kroz uvođenje međunarodnih i kompanijskih standarda poslovanja;
- prilagođenost ponude zahtjevima i kupovnoj moći lokalnih potrošača.

Također, Konkurencijsko vijeće je ocijenilo da na relevantnom tržištu ne postoje pravne/administrativne barijere za ulazak na tržište, niti su neophodna značajna novčana ulaganja za pokretanje djelatnosti maloprodaje prehrambenim, neprehrambenim i proizvodima široke potrošnje, tako da učesnici koncentracije ni nakon provođenja koncentracije ne bi mogli da se u značajnoj mjeri ponašaju neovisno od stvarnih ili potencijalnih konkurenata.

Slijedom navedenog, Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

## **7. Administrativna taksa**

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## **8. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

**Predsjednik**

**Ibrica Lakišić**